



Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 18. Rex a Regina Matre sua ad hujus propositi firmitatem animatus.

[urn:nbn:de:hbz:466:1-67232](https://nbn-resolving.de/urn:nbn:de:hbz:466:1-67232)

Sæcul. XVI. „tinnabulum sæpius pulsabitur; insignia
A.C. 572. „autem, ut nostri ab aliis internosci
„possint, linteolum album in sinistro
„brachio alligatum, & crux ejusdem
„coloris pileis præfixa erit: dato igitur
„signo armis bene instructi, animisque
„intrepidi magno numero adfint omnes,
„atque attendant, nequa perturbatio
„oriatur, aut tumultus ante datum sig-
„num fiat, „ Pronis auribus hæc im-
peria, & monita fuerunt accepta a de-
curionibus, regionum Præfectis, cen-
turionibus, ac Decanis urbanis, qui
summo, quantum rerum subitarum sta-
tus patiebatur, silentio se expediunt,
dispositis per plateas, & compita, sed
intra domos, suis stationibus: inter-
rim Guisius Dux, & Engolismensis E-
ques suos milites contrahebant, eos-
que in variis urbis regionibus dispositos
tenebant.

§. XVIII.

*Rex a Regina Matre sua ad hujus pro-
positi firmitatem animatus.*

Thuan. l. c. Postmodum Regina Caroli IX. Mater
circa medium noctem verita, ne Rex,
quem ad facinoris atrocitatem adhuc
fluctuantem, ac nutantem animadver-
tere videbatur, sententiam mutaret, in
eius cubiculum descendit, quo & con-
tinuo Andegavensis, Nivernius Duces,
nec-

necnon Biragus, Tavanius, ac Radesia-
nus Comites, & paulo post etiam Gui-
fius Dux venerunt, qui una omnes Re-
gem in concepto consilio firmare nite-
bantur, cum enim Rex ob criminis atro-
citatem vacillare, ac quid decerneret,
dubius haerere videretur, illi omnes ra-
tionum fontes exhaustire satagebant, ut
Regem ad rei decretæ executionem
permoverent; porro cum is ad huc dūm
haesitaret, Regina eundem nōn illi ve-
hementius increpans exponebat, quod
tam opportunam à Deo oblatam occa-
sionem, qua hastas suos plene debel-
lare posset, intercessiva cunctatione
haud elabi sibi sineret. Hoc sermone,
cum quasi ignaviæ insimulatum se sen-
tiret, nulla mora rem impigre exequen-
dam imperat, eodemque temporis mo-
mento Guifius Dux, Engolimensis E-
ques, atque Aumalius, & Cossenius,
qui & ipse ad Regem venerat, unacum
pluribus tam Regis, quam Andegaven-
sis Ducis satellitibus ad Coliniæ sedes
concurrunt, ut dato signo rei exequen-
dæ initium facerent. Sub idem tem-
pus Nivernius Dux præcavere sollici-
tus, ne ullus ex Calvinistis, qui in
suburbiis erant, fuga elaberetur, Mau-
gironio in mandatis dedit, ut præpri-
mis illos, qui in suburbio Sancti Ger-
mani latebant, percepto signo una omnes

Sæcul. XVI.
A.C. 1572.

*Hist. de Ma-
nach dans
les preuves
t. 4. p. 589.*

Sæcul. XVI. interficeret: præterea ipse impense Re-
A.C. 1572. gem, & Reginam sollicitabat, quatenus ei permitterent, ut cum suis Equitibus ex Parisina urbe excedere, & Calvinistas forte auffugientes intercipere posset: verum eidem hoc denegatum, unde accidit, ut horum plures, prout ipse probe prospexerat, pœnam fuga eluderent, proin Rex plene illo emolumento, quod ex hæreticorum suppliciis sperare poterat, potiri præpediebatur.

§. XIX.

Calvinistarum laniena in die Sandi Bartholomæi inchoata.

Thu. l. 52. Tandem armorum sonitu, atque info-
p. 817. lito strepitu, & quidem hora adeo
Matth. hist. aliena edito expergesfacti Proceres Pro-
l. 6. testantes, qui per hospitia vicina jussu
Mem. de la Regis diversabantur, pedem domo ef-
Reine Marg. ferunt, & Luparam, quo concursus sie-
 bat, tendunt, atque ab obviis percon-
 tantur, quorsum tot armatorum concur-
 sus, & faces ubique accensæ pertine-
 rent? quibus tamen respondebatur, pa-
 rari ludicrum certamen a Rege, ac no-
 ñtu accensis facibus arcem ad populi ob-
 lectamentum studiose constructam esse
 expugnandam, unde tot homines ad
 spectaculum undique accurrerent; cum
 nihilominus iidem ulterius pergerent, a
 sta-